



Datum:28.06.2022. godine

OBAVJEŠTENJE **članovima AIS-a povodom isplate naknada za prava izvođača muzičkih djela**

Poštovani,

Sa zadovoljstvom Vas obavještavamo da je Stručna služba AIS-a poduzela sve potrebne aktivnosti vezane za isplatu tantijema za 2021. godinu.

Obavještavamo Vas da će AIS za 2021. godinu izvršiti isplatu tantijema u skladu sa Statutom i Odlukom Skupštine AIS-a o raspodjeli prikupljenih naknada za prava izvođača.

U skladu s tim, Upravni odbor AIS-a odobrio je isplatu naknada za prava izvođača muzičkih djela prikupljenih u periodu od 01.01.2021. godine do 31.12.2021. godine.

Kako je vanredna situacija prouzrokovana virusom COVID-19 pogodila i sve naše članove, Upravni odbor AIS-a, donio je Odluku da se svim članovima AIS-a, kao i prethodne godine bez diskriminacije u duhu solidarnosti, isplati iznos od 100 KM iz Fonda za kulturne i socijalne namjene za 2021. godinu, zajedno sa pripadajućim tantijemama.

Na ovaj način AIS, kao i u proteklom periodu želi simbolično pomoći članove AIS-a, kako bi lakše prebrodili ovaj teški period za sve.

Isplatu, raspodjelu tantijema i pomoći iz Fonda za kulturne i socijalne namjene za 2021. godinu, AIS će realizirati u skladu sa principima i pravilima raspodjele propisanim Statutom AIS-a, Planom raspodjele i internim aktima. Isplata izvođačkih naknada počinje 28.06.2022. godine i trajat će dok se ne izvrše sve isplate.

U narednom e-mailu slijedi i Vaš pojedinačni obračun, odnosno izvještaj.

Izvještaj je sačinjen punim korištenjem softverskog rješenja "CODELOOPS-a" za obradu podataka i sastoji se od prijava izvedenih djela na 87 elektronska medija, u skladu sa osnovnim principima i pravilima raspodjele propisanim Statutom i internim aktima. U skladu sa Statutom AIS-a, izvođač muzičkog djela može podnijeti zahtjev za naknadni obračun ili ispravku obračuna ukoliko mu nije obračunata ili smatra da mu je nepravilno obračunata naknada.

Prigovori se podnose pisanim putem u roku od 60 dana od dana prijema pojedinačnog izvještaja, putem obrasca za žalbe koji možete preuzeti na našoj web stranici www.aisbih.org, te isti dostaviti putem e-maila na adresu: ais@aisbih.org ili poštom na adresu sjedišta Jošanička bb., 71 320 Vogošća.

NAPOMENA:

Ukoliko sredstva ne budu na Vašem računu do 05.07.2022. godine, možete nam se obratiti putem e-maila na adresu: ais@aisbih.org. Iznos sredstava prikazan na pojedinačnom izvještaju neće biti isti kao i uplaćeni iznos ukoliko postoji sudska zabrana raspolaganja sredstvima.

Želimo svima skupa da ostanemo dobro i zdravo uz nadu da će za sve nas naredni period biti uspješan kako na privatnom tako i na poslovnom planu.

Srdačno,
AIS